



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

VIII. Literae per quas actor minores redditus petit, si in illis nomen suae dignitatis supprimit, nullum ius debent obtinere.

urn:nbn:de:hbz:466:1-15588

ANNO CHRISTI
1179.
cessante , diffiniatis : & canonicos, quoniam ausi fuerunt
mandatum nostrum eludere, & per surreptionem huius-
modi literas impetrare , quod nuntius eorum plenius re-
cognouit : ad metum & poenam aliorum , expensas, quas
monachi nunc ad nos * mittendo fecerunt, eis, remoto
appellationis obstaculo, reddere compellatis.

CAP. VII. *Idem Eboracensi archiepiscopo.*

Sane si a nobis super aliqua causa literæ prius impetren-
tur, & aliaæ postea, non facta mentione priorum literarum,
literæ obtainentur, si iudicibus innotuerit, donec Roma-
num pontificem consulant, & suam exinde plenius recog-
noscant voluntatem , executione literarum debent peni-
tus supersedere , ne * pro varietate literarum, caufarum fi-
nes valeant impediri.

CAP. VIII. *Item Lucius tertius Lincolnensi episcopo.*

Ad aures nostras, te significante , peruenit, quod pluri-
mi archidiaconi, præcentores, vel ecclesiastici prædicti dig-
nitatibus , super minoribus beneficiis per interpositas per-
sonas, literas impetrantes, nomen suæ suppressunt digni-
tatis, & simplici nomine se appellant, tamquam non ha-
beant aliquem in ecclesia ista personatum: itaque rescripto
nostro postulas edoceri, si fraus ista tacendi præiudicium
ei debeat generare. Tux ergo consultationi taliter respon-
demus, quod cum non sit nostra intentionis, vt personæ
pluribus redditibus abundantes, per literas nostras paupe-
res clericos super minoribus beneficiis vexent, literas in
quibus auctor nomen suæ dignitatis supprimit, vires ali-
quas nolumus obtainere.

CAP. IX. *Idem Eboracensi archiepiscopo.*

Si autem aliquis auctoritate posteriorum literarum, per
aduersarium ad iudicem tractus, obiecerit se priores ha-
bere, de quibus mentio non habetur, si eis dolo vel negli-
gentia vti proposuit, excusari non debet. Si autem co-
piam iudicis delegati habere nequiverit, per posteriores
literas non poterit conueniri.